

UDHËZIM

Për Plotësimin e Formularit të Aplikimit për

FORCËN E SIGURISË SË KOSOVËS

KSF/RSS/01

Pjesa 1

PROCEDURAT E APLIKIMIT

Personeli i interesuar për anëtarësim në FSK duhet të dorëzojë formularin e aplikacionit, dëshminë e shtetësisë, dëshminë e moshës dhe diplomat e shkollimit ose certifikatat e kryerjes së kurseve. Shënimet 3, 5, 7 dhe 10 në këtë fletushkë japin informata për dokumentacionin që kërkohet. Aplikacionet, në të cilat mungojnë të dhënat ose mungojnë dokumentet, nuk do të merren parasysh.

Individët të cilët i plotësojnë aplikacionet e tyre me sukses, do të merren parasysh për procesin e shqyrtimit formal. Aplikantët e zgjedhur do të marrin një njoftim me shkrim për datën dhe lokacionin e shqyrtimit. Individët të cilët nuk përzgjedhen do të njoftohen me shkrim.

Nga ju kërkohet që ta nënshkruani dhe ta shënoni datën në formularin e aplikacionit për të konfirmuar se informatat të cilat i keni dhënë janë të vërteta dhe të sakta. Informatat të cilat i jepni do të mbahen dhe mbrohen.

FSK-ja e respekton kontributin e veçantë të secilit individ, pa marrë parasysh origjinën etnike, gjuhën, gjininë, orientimin seksual, pozitën shoqërore ose ndonjë rrethanë tjetër personale.

Verifikimi i Sigurisë

Në përputhje me standardet e NATO-s dhe me qëllim të mbrojtjes së integritetit dhe lojalitetit Institucional - me interes vital për Forcën e Sigurisë së Kosovës dhe Ministrinë e Forcës së Sigurisë së Kosovës, nuk mund të pranohen në punë ata që janë të përfshirë ose implikuar me aktivitetet në vijim:

- Spiunazh;
 - Terrorizëm;
 - Sabotim;
 - Vepra që kanë për qëllim të përmbysin apo të mos konsiderojnë demokracinë kosovare, nëpërmes mënyrave politike, industriale apo të rrezikshme, ose :
-
- është apo ka qenë kohëve të fundit:
-
- Anëtar i ndonjë organizate e cila promovon ndonjë prej aktiviteteve të lartpërmendura; ose
 - I implikuar me ndonjë organizatë apo anëtar të saj në ndonjë mënyrë që do të ngritë dyshim të arsyeshëm rreth varësisë së tij/saj; ose
 - Ka treguar jo-sinqeritet apo mungesë integriteti që bën të dyshoj rreth varësisë tek ai/ajo; ose
 - Ka demonstruar sjellje të cilat tregojnë mos-varësi te ai/ajo; ose
 - Është i luhatshëm ndaj presionit apo ndikimit jo të mirë.

Verifikimi i Sigurisë

Në pajtueshmëri me nevojat për mbrojtjen e besueshmërisë dhe pasurive institucionale si dhe në përputhje me Ligjin 178 për Klasifikimin e Informacionit dhe Verifikimin e Sigurisë, Agjencia e Kosovës për Inteligjencë do të bëjë verifikimin e të gjithë individëve të cilët aplikojnë për FSK dhe MFSK (Ministria e Forcës së Sigurisë së Kosovës).

Leja e sigurisë përcakton se personi i cili i është nënshtruar procedurave të verifikimit paraqet rrezik të pranueshëm për sigurinë ndaj kërcënimeve të lartpërmendura.

Varësisht nga niveli i qasjes në informata të klasifikuara, procedura e verifikimit përmbajnë hulumtime në disa nga/ ose të gjitha kontrollet si në vijim :

- Kontrolli i informacionit të dhënë nga personi që kërkon të pajiset me lejen e sigurisë;
- Kontrole nga të gjitha burimet e mundshme në dispozicion të rekordeve kriminale, sidomos rekordeve policore dhe juridike;
- Kontrole nga burime relevante të rekordeve të autoriteteve relevante ndërkombëtare;
- Referencës nga njerëzit të cilët njohin karakterin e personit. Këto kontrollime mund të përmbajnë intervista.

Kontrole rreth lojalitetit ndaj Republikës së Kosovës, ndikimit të jashtëm, figurës dhe qëndrimit moral, sjelljes personale, varësisë nga substance kimike; gjendjes financiare; qëndrimi ndaj sigurisë publike dhe rendit publik; gjendjes mendore dhe qëndrimit ndaj informacionit të klasifikuar- një apo më shumë intervista me Departamentin e Verifikimit të AKI-së.

UDHËZIM DHE DREJTIM

Udhëzimet për plotësimin e formularit të aplikacionit për FSK janë dhënë në këtë fletushkë. Përcillni këto udhëzime dhe dorëzoni aplikacionin tuaj të plotësuar dhe dokumentet e kërkuara në Zyrën e Rekrutimit ose tek ndonjë Ekip Mobil i Rekrutimit. Kur ta dorëzoni aplikacionin, ju do të merrni një numër si dëshmi se e keni dorëzuar një aplikacion për anëtarësim në FSK.

INFORMATË RRETH VERIFIKIMIT

Nëse je i zgjedhur për shërbim në Forcën e Sigurisë së Kosovës, ju do t'i nënshtroheni procesit të verifikimit. Disa prej pyetjeve në këtë aplikacion janë pjesë e atij procesi dhe do të përdoren vetëm NËSE je parazgjedhur. Informata do të trajtohet në mënyrën me konfidenciale. Bëhu transparent dhe i/e sinqertë.

UDHËZIMET

Shënimi 1. Shërbimi në FSK (Shih Formularin e Aplikimit, Pika #1).

Shënimi 2. Profesioni i detyrës (Shih Formularin e Aplikimit, Pika #2).

Nëse keni ndonjë profesion përveç shkollimit të mesëm, ju lutem shkruani titullin e profesionit.

Shënimi 3. Detajet personale (Shih Formularin e Aplikimit, Pika #3).

Ju lutemi shënoni të dhënat tuaja ashtu siç figurojnë në dokumentin tuaj të vlefshëm të identifikimit. Nëse ndodh ndonjë ndryshim në detajet tuaja gjatë procesit të aplikimit, informoni këshilltarët për rekrutim sa më shpejt që të mundeni. Aplikuesve u kërkohet që të dorëzojnë nga një kopje të certifikatës së lindjes ose ndonjë dokument të shtetësisë që e vërteton moshën e tyre. Dorëzoni një kopje të certifikatës suaj të lindjes apo një dokument të shtetësisë që e vërteton moshën tuaj.

Shënimi 4. Rrethanat personale (Shih Formularin e Aplikimit, Pika #4).

FSK-ja mund të kërkojë nga ju që të shërbeni larg nga vendi ku jetoni për periudha të zgjatura kohore. Për këtë arsye, rrethanat tuaja personale nuk duhet t'ju pengojnë në kryerjen e detyrave në mbështetje të misionëve të FSK-së.

Shënimi 5. Shtetësia (Shih Formularin e Aplikimit, Pika #5).

Anëtarët e FSK-së duhet të jenë shtetas të Kosovës dhe gjithashtu mund të jenë edhe shtetas të një ose më shumë shteteve tjera. Aplikantët duhet të dorëzojnë një kopje të dokumentit që dëshmon shtetësinë e Kosovës. Ju lutem ta dini se letërnjoftimi duhet të jetë i pa skaduar kur të aplikoni në FSK.

- a. Letërnjoftimi apo Pasaporta e Kosovës – Procedurat për marrjen e këtyre dokumenteve janë të dhëna në linkun <http://www.mpb-ks.org/?page=2,1>
- b. Letërnjoftimi i UNMIK-ut (ose numri personal) ose dokumenti i udhëtimit i UNMIK-ut – Këto dokumente nuk lëshohen më, por mund të përdoren si dëshmi e shtetësisë sipas Ligjit mbi Shtetësinë (neni 28). Ky ligj përcakton se çdo person i cili është i regjistruar si banor i Kosovës, sipas Rregullores së UNMIK-ut nr. 2000/13 në Regjistrin Qendror Civil duhet të konsiderohet si qytetar i Kosovës dhe do të regjistrohet si i tillë në regjistrin e shtetasve.

Shënimi 6. Përkatësia etnike (Shih Formularin e Aplikimit, Pika #6).

Shënimi i përkatësisë suaj etnike është vullnetar. Kjo informatë do të trajtohet me besim të plotë dhe do të përdoret për të monitoruar në mënyrë adekuate përbërjen etnike të FSK-së.

Shënimi 7. Identifikimi kombëtar (Shih Formularin e Aplikimit, Pika #7).

Shënoni informatat e kërkuara.

Shënimi 8. Patentë shoferi (Shih Formularin e Aplikimit, Pika #8).

Shënoni informatat e kërkuara.

Shënimi 9. Përkatësia politike (Shih Formularin e Aplikimit, Pika #9).

Ligji mbi Forcën e Sigurisë së Kosovës përcakton se anëtarët e FSK-së nuk mund të jenë anëtarë të partive politike dhe nuk mund të paraqesin shenja të dukshme të përkrahjes së ndonjë partie politike.

Shënimi 10. Shkollimi dhe kualifikimet (Shih Formularin e Aplikimit, Pika #10).

Aplikacionet e FSK-së duhet të ofrojnë dëshmi për kualifikimet shkollore. Ju mund të dorëzoni një kopje të diplomës suaj dhe/ose certifikatat e kryerjes së kurseve për t'i dëshmuar kualifikimet tuaja shkollore.

Shënimi 11. Gjendja mjekësore (Shih Formularin e Aplikimit, Pika #11).

Historia juaj mjekësore është e besueshme dhe nuk do t'i paraqitet askujt përpos atyre që janë të autorizuar për t'i pasur këto informata. Duhet të jeni të vetëdijshëm se gjatë këtij kontrolli mjekësor do të bëhet edhe një test për substanca narkotike. Shënoni nëse keni ndonjë paaftësi ose nëse vuani/keni vuajtur nga ndonjë sëmundje që mund t'ju pengojë në kryerjen korrekte të punës për të cilën po aplikoni. Shënoni gjatësinë dhe peshën tuaj.

Kushtet në vijim rezultojnë në vonesë të përkohshme në procesin e përzgjedhjes. Aplikuesit do të konsiderohen për hyrje në FSK pas dorëzimit të një certifikate nga një profesionist mjekësor që dëshmon se jeni shëruar plotësisht dhe se jeni të aftë për t'iu nënshtruar trajnimeve të vështira:

- (1) Shtatzënia dhe periudha deri në 6 muaj pas përfundimit të shtatzënisë.
- (2) Pritja për ndonjë operacion ose mjekim.
- (3) Sëmundje apo lëndim i rëndë i përkohshëm.

Shënimi 12. Fitnesi fizik (Shih Formularin e Aplikimit, Pika #12).

Anëtarët e rinj të FSK-së do t'u nënshtrohen trajnimeve intensive që kërkojnë shumë fizikisht dhe janë të lodhshme mendërisht . Për t'u kualifikuar për anëtarësim, aplikantët duhet të jenë në gjendje të mirë fizike e mendore dhe jo në gjendje të dobët.

Shënimi 13A. Të dhënat e punësimit (Shih Formularin e Aplikimit, Pika #13).

Jepni të dhënat e punësimit për dy vendet e fundit, duke filluar nga ai i fundit.

Note 13B: Interesa në biznes

Me rëndësi: Anëtarët e FSK-se nuk kanë të drejtë të përfitojnë (përveç rrogës së FSK-së) ndonjë rroge tjetër përveç asaj në FSK. Anëtarët e FSK-së nuk kanë të drejtë të inkuadrohen në punësim të dytë, përfshirë këtu edhe biznese private, pa aprovimin e Oficerit Komandues dhe vetëm në përputhshmëri me legjislacionin në fuqi.

Shënimi 14. Shërbimi ushtarak (Shih Formularin e Aplikimit, Pika #14).

Jepni informata mbi shërbimin ushtarak. Nëse nuk keni shërbyer, tregoni duke shënjuar katrorin "Jo". Nëse keni përvojë në më shumë se një shërbim, radhitni shërbimet shtesë në pikën # 17 të aplikacionit.

Shënimi 15. Dosja penale (Shih Formularin e Aplikimit, Pika #15).

Sipas Kodit Penal, nuk jeni të obliguar që t'i përgjigjeni kësaj pyetjeje. Megjithatë, nëse zbulohet se keni dhënë informata të rrejshme, ju do të shkarkoheni.

Jepni informata për çdo shkelje penale që ka rezultuar me burgim e që nuk është hequr nga dosja e juaj penale dhe që konfirmon se nuk i nënshtroheni hetimeve penale ose ndonjë hetimi kriminal, apo persekutimi në vijim. Çdo aplikant që është gjykuar për ndonjë shkelje penale që ka rezultuar me burgim nuk do të pranohet në FSK.

Shënimi 16. Referencat për karakterin (Shih Formularin e Aplikimit, Pika #16).

Të gjithë aplikantët duhet t'i emërojnë dy referenca për karakterin. Këto referenca mund të jenë nga ndonjë punëdhënës i mëparshëm, anëtar i stafit të ndonjë shkolle, kolegji apo nga komuniteti.

Është me rëndësi se referenca është e pavarur dhe JO i rrethit familjar.

Shënimi 17. Informatat shtesë (Shih Formularin e Aplikimit, Pika #17).

Kjo pjesë është dhënë për ndonjë informatë shtesë të cilën mund t'ju nevojitet që ta përfshini në aplikacionin tuaj. Kjo informatë do të trajtohet në konfidencë.

Shënimi 18. Deklaratë (Shih Formularin e Aplikimit, Pika #21).

Me nënshkrimin e këtij aplikimi, ju konfirmoni se informacioni i dhënë është i vërtetë dhe i saktë. Dhënia e informatës jo të vërtetë apo mungesa për të nënshkruar dhe për të vënë datën në Aplikacion do të rezultojë në përjashtimin e aplikimit ose përjashtimin nga FSK-ja.